



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 476. De iugeribus traditis in villa Balleri intra marcam Suilbergi, nec non de libertate ecclesiae et territorii Corbeiensis, ad diœcesin Paderbornensem non spectantis.

urn:nbn:de:hbz:466:1-36114

Ab anno
1014 vs-
que 1037
regnante
Heinri-
co II.

§. 476.

Tradidit bernharius pro se et filio suo bernhario in *balleri* (u) LXXXIII. iugera et I iurnalem.

§. 477.

De villa
Balleri
in pago
Suilbergi.

(u) Villam *Balleri* fuisse positam in *marca Suilbergi*, refert Saracho abbas in Registro. Facile iudicatu est, designari villam, quæ supra §. 393 nominatur *Balgeri* et dudum est desolata. Ab hac villa *Balleri* non procul abfuit locus *Hechi*, in quo Corbeienfes nostri primum ædificare ceperunt monasterium suum. Inde autem ipsi, quia locus minime aptus erat fructibus ferendis, migrarunt in pagum Auga ad Wiseram, ubi templum et habitationes fratrum anno 822 condiderunt, locumque nouam appellarunt Corbeiam. Perhibet auctor *Translationis S. Viti et institutionis nouæ Corbeie* T. I. S. R. G. Meibomii p. 765. locum *Hechi* ad diæcesin spectasse Paderbornensem. Cum enim *Adalardus iunior* anno 815 accessisset ad imperatorem Luduicium, qui comitia habebat in Saxonia et quidem in loco, qui dicitur Pacherbrunna: eumque rogasset, ut in incrementum christianæ religionis in eadem prouincia monasterium monachorum construi iuberet; Cæsari placuisse refert, accessere episcopum Hathumarum, ad cuius diæcesin locus, ubi construendum videbatur monasterium, fuerit relatus, ut id cum eius fieret imperio et voluntate. Sed hæc ita comparata sunt, ut in eis prorsus fide indignus sit auctor, qui illam S. Viti translationem composuit. Anno enim 845 nullus abbas *Adalardus iunior* in veteri Corbeia erat. Non ergo Adalardus ad imperatorem accedere potuit Paderbornam, neque ab eo petere, ut mandatum daret cuiquam de construendo monasterio in prouincia Saxonica. *Hathumarus* episcopus eodem tempore amplius in viuis non erat, uti ex ipsis Paderbornensium scriptis in *Historia Corbeiensi* demonstratum iuimus. Quamobrem confessione sua laudare non potuit Hathumarus constructionem monasterii Corbeiensis, in partibus Saxonie siti. Moguntini itidem non contendit, locum, in pagis Suilbergi et Logne situm, fuisse diæceseos Paderbornensis. Finge tamen, eos concessuros esse, locum *Hechi* spectasse ad Paderbornensem diæcesin, inde tamen non sequitur; villam *Hucxori*, in qua *Adalardus senior* anno 822 nouam Corbeiam construxit, ad Paderbornensem diæcesin fuisse relatum. Paderbornensium est, genuinis diplomatibus, vel testimoniis scriptorum coætaneorum demonstrare, Carolum Magnum vel Hludouicum piæ Paderbornensem diæcesin circumseripisse, terminisque seu limitibus suæ diæceseos inclusam esse abbatiam Corbeiensem. Hoc non demonstrato credimus, abbatiam Corbeiensem cum territorio, ad eam adiuncto, nunquam fuisse diæceseos Paderbornensis. Ex auctore *Translationis S. Viti* id, quod volunt, demonstrare non poterunt Paderbornenses. Iste auctor omnino supposititijs nullaque fide dignus. Perhibet idem l. c. p. 766. Corbeienfes nostros anno 822 die 25 Sept. a loco *Hechi*, ubi eousque habitauerint, cum omni suppellectili sua surrexisse, et demum die 26 eiusdem mensis venisse ad Corbeiam nouam. Idem p. 768 refert, se corpus S. Viti, e Francia in Saxoniam translatum, comitatum esse, et cum multitudine vtriusque sexus eaque nobilissimi Saxonum generis tandem ad monasterium, quod noua Corbeia dicitur, peruenisse. Eo ipso nobis idem persuadere voluit, se fuisse Corbeiensem. Homo Corbeiensis sine vilo dubio, *Corbeiam* nouam ad flumen Wiseram ab *Hechia* in saltu Sollingano sita, tantum abfuisse iter vnus horæ, nouisset. Locus ille vsque in hodiernum diem satis notus est. Monstratur ibi *pratium Abbatir*, dictum die Abtswiese, die Munechbreite, der Closterreich, das Closterholtz i. e. *pratium*, *Monachorum campus*, *piscina* et *silua monasterii*. Atque hæc ficta non esse, demonstrat diploma Bernhadi atque Heinrichi ducum Brunsvicensium ac Luneburgensium, in quo adhuc anno 1416 meminerat *prati abbatir*. Auctor vero *Translationis S. Viti* nobis persuadere ausus est, *Corbeiam* nouam abfuisse a loco *Hechi* duorum iter dierum. Scribere an hæc potuisset monachus Corbeiensis? Nonne credamus oportet, cum fuisse impostorem? In eo fuit, ut scripto suo glaucoma obiceret posteritati, ac persuaderet alijs, *Corbeiam* nouam fuisse ab initio sitam intra Paderbornensem diæcesin. Nonne autor ille Corbeiensium inimicus fuit? Plura de eo diximus in *Historia Corbeiensi*.